

que potissimum usus sum. Tabellae in marginem inclusae et ex descriptione urbis Romae, cuius iam supra mentionem feci, et ex *Westphali* tabulis, quae Romam et Neapolim hisque urbibus adiacentes regiones complectuntur, desumptae sunt ac descriptae. Syracusarum autem designatio ex *Kiepti* Atlante ad minorem mensuram reducta est.

XIII.

Persis.

Ad hanc tabulam describendam et libellum, Ariana antiqua inscriptum, quem *Wilson* composuit, et *Ritteri* opera, quae de Perside tractant, et tabulas geographicas, quas *Zimmermann* exaravit, et scriptiunculam, quam *Reichardt* in septuagesimo septimo volumine annalium Viennae editorum evulgavit, diligentissime perlustravi et summa cum cura excerpse. Nomina, vel quae ex fontibus in oriente ipso apertis exhausta sunt, vel quae ex literis cuneatis *Benfey* interpretatus est, typis tenuioribus expressa sunt.

XIV.

Graecia.

Tabellae in marginem inclusae: 1) Athenae; 2) Acropolis; 3) Athenae, Piraeus et Salamis; 4) Piraeus; 5) Delphi; 6) Thermopylae.

Has omnes tabulas ex Atlante Graeciae eiusque coloniarum descriptionem continente, quem *Kiepert* summa cum cura ac diligentia composuit confecitque, ad huius Atlantis mensuram reduxi.

XV.

Asia minor, Syria, Cyprus, Creta et Insulae maris Aegaei.

Tabellae in marginem inclusae: 1) Hellespontus et Troas; 2) Ionia; 3) Campus Troiae.

Quum *Kiepertum* in Atlante, qui Graeciam eiusque colonias continet, et in tabula, in qua Asiae minoris adumbrata est imago, doctissime uberrimeque de illis, quae supra nominatae sunt, regionibus exposuisse omnes inter se consentiant, eum me potissimum esse secutum non est, quod mireris. In Syria depingenda praeter Atlantem, quem idem vir doctus ad biblia sacra illustranda composuit, etiam itinerario, quod *Robinson* in lucem edidit, et eiusdem tabula, qua Palaestina est designata, usus sum ex iisque haud parvum percepi fructum. Tabellas in marginem inclusas ad imagines earum regionum, quae nobilitatem quandam adeptae sunt, repraesentandas adieci.

XVI.

Armenia, Mesopotamia, Babylonia et Assyria cum adiacentibus regionibus.

Huius tabulae fundamenta ita ponenda putavi, ut partem septentrionalem ex *Kiepti*, meridionalem ex *Zimmermanni* tabulis depromerem et. quae *Ritter* de illis regionibus exposuit, in auxilium vocarem. Omnia nomina, quae typis tenuioribus sunt expressa, ad veterem geographiam, qualis et ex bibliis sacris et ex literis cuneatis et ex vetustissimis, qui de Armeniorum rebus scripserunt, auctoribus cognoscitur, referenda sunt. At oppidorum nomina, quae uncis sunt inclusa, ex veteribus quidem scriptoribus desumpta, sed senioribus temporibus orta esse putanda sunt. Sunt compluria oppida et in septentrionibus et inter Euphratem et Tigrim, qua ad meridiem vergunt, sita, quae quam habeant posituram, non nisi ex tabula *Peutingeriana* meisque ipsius coniecturis definiri potuit. — Expeditio a decem millibus Graecorum suscepta ex iis, quae *Ainsworth* conguessit et quae *Koch* correxit et accuratius disseruit, composita et in chartam translata est.

XVII.

Thracia, Macedonia, Illyricum, Moesia, Pannonia et Dacia. *Tabella in marginem inclusa:* Macedonia.

Ad meridionalem huius tabulae partem depingendam *Kiepti* Atlas Graeciam continens magnam praebuit materiam eiusque copia ad tabellam in marginem inclusam componendam sufficere mihi visa est. At de regionibus inter Haemum, Dravum, Danubium sitis praeter *Mannertum*, quem omnia, quae usque ad tempus, quo opus suum in lucem emisit, congesta et disputata erant, collegisse et disposuisse certum est, nemo satis accurate scripsit et exposuit. Itaque ad illam magnam tabulam Turciam in Europa sitam continentem, quae a summis ducibus hostiis militaribus praepositis confecta est, me convertere coactus sum. Sed eadem, praesertim si interiores terrae partes respicias, magnis laborat vitiis. Quae quidem ego eo emendare studui, ut omnia, quae de illa terra disputata et in ephemeride a *Lüddeo* edita adnotata sunt, congererem et attento animo examinarem. Nec maiorem habet fidem *Poucheville*. Itaque haud immerito dici potest, illud, quod Illyricum complectitur, trigonium esse terram incognitam.

Ad terras, quae ad septentriones supra Danubium sitae sunt, illustrandas Atlas historicus Ungariam et cum ea conjunctas terras

complectens, quem *Bedeus de Scharberg* edidit, mihi magno fuit adiumento. Etiam magnus ille Atlas Ungaricus, ex quinquaginta octo tabulis compositus et anno 1802 editus, ita comparatus est, ut, descriptione et tabula affixa in auxilium vocata, facillime intelligi possit, quem viae habuerint tractum. Quae *Tafel* de via Egnatina disseruit, iam a *Kiepti* pervestigata et in chartam translata sunt.

XVIII.

Palaestina a temporibus Maccabaeorum usque ad eversionem Hierosolymae.

Tabellae in marginem inclusae: 1) Tabula populorum secundum Mosem I, 10; 2) Palaestina tempore Iudicum et Regum; 3) Hierosolyma, urbs et regio; 4) Hierosolyma tempore eversionis per Titum.

Haec tabula ex Atlante, quem *Kiepert* ad biblia sacra illustranda composuit, et ex tabula, qua idem Palaestinae adumbravit imaginem, descripta et expressa est. Nec minus auxilii *Robinsoni* et de *Raumeri* opera suppeditaverunt. Nomina oppidorum incolis veteribus usitata, quae in tabula generali inveniuntur, literis punctim scriptis exarata sunt; at urbes, quas Decapolis habuit, linea subiecta distinguendas curavi. Reliqua, quae ad tabulam explicandam necessaria videbantur, in ea ipsa adnotata sunt.

XIX.

India.

Tabellae in marginem inclusae: 1) India Eratosthenis; 2) India Ptolemaei; 3) Dachinabades et Taprobane.

Duae fuerunt tabulae, a *Berghausio* in Atlante Asiatico depictae, in quibus huius tabulae quasi fundamenta substruenda esse putavi. Sed quae *Ritter* in libro de Asiae geographia conscripto et *Reichardt* in septuagesimo septimo annalium Viennae editorum volumine et in Atlante antiquo melius cognovisse et expressisse videbantur, ea omnia collegi et ad chartam transtuli. Si quis illius terrae formam cum imagine, quam veteres animis conceperant, comparare velit, duas, quas priores in marginem inclusimus, tabellas introspectat. Praeterea alia tabella, quae anteriorem peninsulae partem continet, lateri adiuncta est, ut appareat, quam multa et magna ibi fuerint oppida.

XX.

Arabia, Aethiopia, Aegyptus.

Tabellae in marginem inclusae: 1) Aegyptus inferior; 2) Heptanomis et Thebais.

Aegyptus et ex iis, quae *Mannert* disseruit et exaravit, et ex tabulis a *Berghausio* compositis descripta et delineata est. Ad Arabiam vero depingendam praeter eas, quas modo nominavi, tabulas duo operis geographici a *Rittero* conscripti volumina, in quibus de Arabia tractatur, et Atlantis tabulas, quibus illa terra adumbratur maxima cum diligentia perlustravi maximumque ex iis percepi fructum. Omnia nomina, quae aut apud veteres illarum terrarum incolae in usu fuerunt aut in bibliis sacris inveniuntur, typis tenuioribus expressa sunt.

XXI.

Mauretania, Numidia et Africa propria, Cyrenaica et Marmarica.

Tabellae in marginem inclusae: 1) Carthago; 2) Numidia; Zeugitana et Byzacium; 3) Alexandria; 4) Cyrene.

In hac tabula componenda primus ego usus sum opere de Africa ad septentriones sita conscripto et nuperrime edito, quod inscriptum est: *Atlas de l'Algérie dressé sur les cartes publ. par le Dépôt de la Guerre et d'après les travaux de MM. Renou, Carette et Warnier, par L. Bouffard. Avec une carte de la Grande Kabylie par MM. Daumas et Fabre. Paris 1848.* Quod quidem opus ab hominibus profectum est, qui, quum in ipsa, quae septentriones versus sita est, parte Africae versarentur, in ea perscrutanda summum studium posuerunt. Ad situm maiorum urbium recte definiendum non solum tabulas, quae illo opere continentur, adhibui, sed etiam scriptiunculas, quae in ephemeridibus „*Revue Archéologique*” et „*Ausland*” inscriptis inveniuntur, perlegi et excerpse; neque quae *Mannert* docte et copiose exposuit, praetermittenda esse putavi: eum enim potissimum in viis delineandis et in parvulis oppidis definiendis secutus sum.

Designatio Carthaginis ex *Ritteri* tabula, Alexandriae ex scriptiuncula, quam *Parthey* de Museo Alexandrino composuit, Cyrenes denique ex *Kiepti* opere desumpta et exarata est.

XXII.

Italia initio primi belli Punici ante Chr. CCLXIV.

Tabellae in marginem inclusae: 1) Agrigentum; 2) Tarentum; 3) Italia tempore fundationis Urbis; 4) Regnum Romanorum cum confederatis Latinis, Tarquinii superbi tempore.

Haec tabula ex praeclarissima descriptione, quam *Grotefend* in programmatis satis notis et tabulis aere incisis composuit, exarata et